

# مستطابق

مطبعه و محل اداره :

جفال اوغلسنه امنيت  
سندوغي جوارنده  
شكول يقوشنده  
۲۷ نومبر

مسلكه موافق آثار  
جدیده مع المنونیه  
قبول اولنور

درج ایدلهین آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و شئون اسلامیه و معارف ایدره هفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب  
تاریخ تأسیسی

درسمادته نسخہ سی ۵۰ باره در

قبرله دن مقوا بورو ایله کوندریلیرسه سنوی  
۲۰ غروش فضله آلنیر

| سنه لکی | التی آیلانی | غروش |
|---------|-------------|------|
| ۶۵      | ۳۵          | ۳۰   |
| ۶۰      | ۳۰          | ۲۰   |
| ۱۷      | ۹           | ۱۰   |

۱۰ تموز ۱۳۲۴

عدد : ۱۶۶

۱۸ ذی القعدة ۱۳۲۹ پنجشنبه ۲۷ تشرین اول ۱۳۲۷

یدنجی جلد

## مجاهدین اسلامیه و عثمانیه نك مظفرتی

درنه نك استرداد

قهرمان حریر اوزر بلك ایلمسنوسی شیخی حضرتلری طرفندن  
حربیه نظارتنه کشیده اولنان تلغرافدن اکلا شیلدیغنه کوره شهر  
حالك اون بشنجی جمع کیمجه سی درنه نظامیه طابورینی تشکیکیل  
ایدن غضنفرلرله سنوسی مجاهدین کرماندن دوت قبیله دن مرکب  
برقوت ، شدید برعزم ایله درنه قصبه سنه هجوم ایدرک غایت خونریزانه  
برمصادمه دن صوکره غایت سبجانه ایله شهری استرداد ایلمشدر .  
اثنای مصادمه ده لیانده بولنان ایتالیا سفینه حربیه سی طرفندن طوپ  
آتشیه ایتالیا نلره معاونت اولنقی ایسته نلش ایسه ده ، مهاجم دلاورلر  
اوزرنده هیچ برتأثیری اولماشدر . بومصادمه ده دشمندن ۵۰۰  
تلفات اولدینی کبی برجوق ده مجروح واردر . باقیسی ده کاملاً اسیر  
ایدلمشدر . عثمانلی فداشیلرندن یالکیز سکسان شهیدله برقاچ مجروح  
وقوع بولمشدر . اموال غنائم میانده ۱۸ قطعه استعماله صالح طوپ  
موجود اولدینی کبی مرکز دن کوندرلمسه بیله عساکر موظفه و معاونیه  
برجوق زمان کفایت ایدمک قدر اسلحه و مهمات وارزاق واردر .  
بوهجوم ده جبل اخضر سنوسی مشایخندن زاویه بیضا شیخی سید  
العلمی وسید دروفی وسید حاصل الاهجری و محمد غزالی وسید  
عبدالقادر قیرقاش ، سید عبدالله الیوسف ، سید عبدالله قیرقاش ، سید  
المرضی قیرقاش بن عبده ، سید محمد ابو فار ، سید محمد بن هول ،  
سید حمید بن عفر ، سید سنوسی بن شبانی نام بهادرلر بالفعل ابراز  
غیرت و فداکاری ایلمشدر .

بومظفرتی خا کپای شاهانه به عرض اولنغله فوق العاده محظوظیت  
سنیه بی موجب اولمش وعسکر اولادلری ایله حیبتلی عربانک دوام  
وتوالی موفقیتلری تمثیاتی تکرار بیورلمشدر .

§ درنه ده دشمن کولله وقورشونرینه بی محابا کوکس کره رک  
عثمانلی وارلغی پک شانلی برصورتده اراشه ایدن عساکر مظفره و عربان  
محترمه نك شان حکومت سنیه دن اولدینی اوزره تلطیفتری اجزا  
قلنه جنی خبر آلمشدر .

§ درنه مظفرتی مقام صدارتن خدیو مصر ایله مکرمه  
امارتنه وسیدسام بکلیکنه ، داخلیه نظارتندن بالعموم سفارت عثمانیه  
یه ، حربیه نظارتندن ده کافه اردوی همایونلر قوماندانلقلرینه تبشیر  
واشعار قلنمشدر .

## حالم اسلامده غلیان

تبو حاکمک کلیتی کوکلی ایله بالذات صحنه حربیه کلهرک عثمانلیلرله  
براکنده حربیه اشتراک ایتدیکی مرجعه ورود ایدن تلغرافدن  
اکلا شیلمشدر .

§ بتون ممالک اسلامیه ده ، علی الخصوص مصر ، هندستان و آفریقای  
جنوبیه ایتالیا لیره قارشى شدتله بویقوتار معاملیه سی تطبیق ایدلمکده ،  
بویوزدن برجوق ایتالیا فابریک لری نك سکتته تعطیله اوغرامقده اولدینی  
معلومات وارده تلغرافیدندر .

§ قالکوتده کی هند مسلمانلری تائیس غز تاسنه بر تلغرافنامه  
کشیده ایدرک طرابلس غریبه ایتالیا مأمورین وعسکرلری طرفندن  
قتل ایدیلان اناث واطفالک قتالنه انکلزیه قرالی ایله قومنک ممانعت

ایتمنی انسانیت و مدنیت نامنه استرحام ایدیکری لوندردہ سفارت سنیہ سندن بیلدیرلمشدر .

§ (تایمس) غزته سنده اوقوندیغه کوره لوندردہ مقیم هند مسلمانلری کلکتہ و بو مبادیہ بولنان دیندک-لرینک اثرینه اقتفاء طرابلسده مجروح اولان طراباس-سلیله ترکر نامنه جمع اغانیه قرار ویرمشلردر . اغانه صندینی لوندردہ بولنان بتون هند اسلاملری جمعیتی ایله دیگر بر جمعیت اسلامیه نک تحت اداره مشترک-سندہ بولنه جقدر . مذکور صندیقه ایلاک اول آغا خان حضرتلری طرفسندن درت یوز انکلیز لیراسی ویرلمشدر .

§ هندستانک هر طرفده کال تهاک و غیرتله جمع ایدلمکده اولان اغانه حربیه نک مهم بر یکونه بالغ اولمق اوزره بولندیغی وعساکر عثمانیه نک هر خبر مظفرقی استبشار اولونجه اهالی اسلامیه نک قوشه رق تکریر دعوات خیریه مبادرت ایلیمکده اولدقلری اخبار وارده نلغرافیدندر .

§ چینده ، آقصای شرق سائر ممالک اسلامیه سنده ، جاوا وسوماطرا آطه لرندہ بولنان اهالی اسلامیه مظفریات عثمانیه دائر منتظماً تبشیرات انتظارندہ بولندقلری جهته بوبایدہ دریغ لطف بیورلماسنی حکومت سنیدن تلغرافلرله استرحام ایلشدر .

### حی علی الجهاد

اسکیشهرده منتشر (حقیقت) غزته سنده صنعادن بمن مخابر مخصوصی طرفندن یازیلان مکتوبدر :

عسیرده کی حرکات اخلاقیه بی باصدیرمق اوزره اورایه کیدیلد . جکینی یازمشدم ؛ وعسیره کتمک ایچون هر درلوناقصنی اکیل ایدن قطعات عسکریه حرکت امرینه آماده ایکن ایتالیا نلرک حکومتزه اعلان حرب ایتدیکری خبری کادی ؛ بومصیبت خبری ، بوتون یمن اراضیه سنده ساکن قبائل وعشائر «نجابلر» واسطه سیله بیلدیریلدی . امام یحیایه دخی نجاب مخصوص ایله یازیلدی . بر سرعت برقیه ایله امامه بو خبری یتشدیرن نجاب کیتدیکنک ایرتسی کونی مشارالیه طرفندن عزت باشایه ، والی به خطاب حامل اولدینی ایکی مکتوبی دیگر بر رفیق ایله کتیردی محاربه حوادثک شیوعنی متعاقب یمنده امامه حل اولونه نامش بعض مسائل معلقه مشارالیهک موافقتیه درحال فصل اولوندی ، امامدن کلن مکتوبلرده [اللی بیک] کیشیلک مسلح عرباندن متشکل بر اوردو ایله همان حرکتیه آماده اولدینی و طرفندن بالجمله اهل اسلام فی سبیل الله جهاده دعوت اولوندینی یازمشدی . یمنک ؛ بوقطه وسیعه نک هر جهتدن اکابر عربان طرفلرندن یریر نظرلر ایراد اولونمش واسلامیه بر ضربه مهمه اورمق ایستین ایتالیا ایله بالجمله اسلامیت دشمنلرینه اعلان جهاد ایدیلمش وعقبندہ کافه اهالی سلاح وجیخانلرینی حامله مختلف محالرده اجتماع ایتشلردر . نفس صنعاده دخی اهالی جوامع شریفه ده عمومی بر اجتماع یا هر ق خانی فی سبیل الله حربیه تشویق ایتدیلر ؛ بر حالده که بونک تصویری

غایت مشکل اولمغه برابر ، براز ایضاحات ویرمکه چالیشمنی قائددن حالی عد ایتیورم . اولاً: ایتالیا طرفندن اسلامیت علیه اعلان حرب ایدیلمش اولدیفندن بالجمله اهل اسلامک جامع کبیره طوبیلا نملری اعلان اولوندی بعده اهالی جامع کبیره فوج فوج کلکه باشلادیلر اهالیدن هر کلن قافله نک اوکلرندہ بیاض بایراقلر اوزرندہ قیرمزی یازیلرله [وجاهدوا فی سبیل الله] ، [واعتصموا بحبل الله] . [الجنة تحت ظل السیوف] ، [فامشوا لاتحاد] جمله لری یازیلی اولدینی کبی جهاد حقندہ موجود داها بر جوق آیات کریمه واحادیث شریفه محرر بایراقلر قوج ایتیمکده ایدی . بوبایراقلرک ایچریسندہ اک زیاده نظرلری کفدیسنه جلب ایدن واوزون ایکی صریق اورتیه سنده کربلش قیرمزی بریز اوزرندہ بیاض وغایت جلی بریازی ایله اراز مهابت ایدن [لااله الا الله محمد رسول الله] لوحه مبارکسی ایدی ؛ عموم اهل اسلامک جهت جامعسی اولان بولوحه مقدسه ایکی محترم ذات طرفندن طاشیور والتحاق ایدن دین قارداشلر مزدخی کله توحید ذکر ایدهرک جامعه طوبیلا نیورلردی . نمازی متعاقب خطیب افیدی منبره جیقدی «آرتق تورکلرک حکومتی اوامر الهیهه تبعاً مشورتله اداره اولونمقده بولوندیفندن (سلطان اعظم) خلیفه اسلام محمدخان خامس حضرتلرینک اوامرینه اطاعت فرض ولانم اولدینیغی غایت فصیح بر لسان ایله کال بلاغته بیان ایتکدن صوکره سوزی ایتالیا نک حقسز اوله برق اعلان ایتدیکی حرب مستهسنه انتقال ایتدیردی . عموم اهل اسلام اوزرینه فرض اولان بو جهاده یمنده ساکن بالجمله قبائل [یامعشر المسلمین ؛ یامعشر العرب یامعشر العجم یامعشر القبائل] ندالریله دعوت ایتدی وعادت عرب اوزره خطبه مبارکه دهر قبیله نک شجاعت وحماستندن بحث ایدهرک همان اشبو حربیه حاضر اولملرینی عموم اهالی به دین ومذهباری اوزرینه یمن ایتدیردی [حی علی الجهاد] ، [حی علی الجهاد] سوزلریله بوتون اهالی یی غلبانه کتیردی . بوصورتله بوتون اهالی یی ، آغلایه برق بردها حکومت اسلامیه خیانت ایتیه جکلرینه یمن ایله فریاد ایتدیردی . بوندن باشقه عموم اهل اسلامک بالخاصه بویه بر زمانده اتحاد ایتمسی فرض اولدیفندن طرف امامدن ، الآن عصیان حالنده بولنان عسیر اهالیسنه بر مکتوب یازیلمسنی ودائرة اتحاد کیرمدکاری حالده اول امرده امامک احضار ایتدیکی الی بیک کیشیلک اوردونک عسیر اوزرینه توجیهی قرار کیر اولدی . خلاصه شو مناسبته یمن کندی کندیسه برداها عصیان ایتک احتمالندن اوزاق بر حالده قالدی . معلومیا یمن دیمک امام یحیی دیمکدر ؛ اوراحت طور دقدن صوکره باشقه لرینک قطعاً اهمیت یوقدر . بالجمله قطعات عسکریه آلمان امر اوزرینه حیدیه کیدیورلر .

بو مکتوب مناسبته «حقیقت» غزته سی بوجه آتی بیاننده بولونبور :

[عسی ان تکر هوا شیئاً وهو خیر لکم]

سر جانیلنک بقادر علوی بر صورتده تجلی ایدیشی ، مقدرات الهیهه قارشی عجز بشری کوسترن بر معجزه فرقانیه در عالم تخمین ایدیوردی ، نتیجه نه